

46260.99

137

15

篤仕武忠父儒
學蹟勲節苑林

蕪州志
之五



新州志卷之十一

知新州事夏津潘克溥纂修

人物志

儒林

道學之名昉於宋其他史傳諸家皆稱儒林雖源流各殊折衷於道則一也州人士敦儒行者多矣今擇其沉潛經義有所發明者冠人物之首庶幾讀其書想見其為人焉志儒林

宋

新州志

卷之十一

儒林

一

吳遵路字安道父淑字正儀職方員外郎原籍潤州丹陽路博學強記議論英偉累官圖閣學士知永興軍卒子瑛入隱逸傳宋史循吏傳

林敏功字子仁號松坡新州人年十六預鄉薦下第歸嘆曰軒冕富貴非吾願也杜門不出者三十年弟敏修字子來俱以詩賦相高元符末蔡元度薦之累詔不起政和中賜號高隱處士江西詩社宗派圖錄詳通志 著作載著述

子仁與弟敏修以文字相友善政和中林震為郡守謂吾宗有隱君子出郊見之還朝舉其隱德賜號旌

表其門子仁謝表云自是難陪英俊之游何敢妄言
高尙之士臥牛衣而待旦寒如之何搔鶴髮以興懷
老其將至 尙友錄

明

馮天馭字

號午山天性寬厚篤於孝友中嘉靖戊

子鄉

進士初授大理寺評事改御史兩任京

畿

試科重行誼敦廉讓崇表貞婦孝子修諸名

所行皆裨名教大學士王文肅公試時年十

二天馭極推重之曰孺子可教出東坡稼說授之後

新州志

卷之十一

儒林

二

果如其言四遷大理再爲大中丞陞吏部侍郎平生
學有原本深契鄒東郭先生宗旨霍渭崖公嘗語曰
馮應房何其溫而能立也遷大司寇致仕歸里捐資
建書院晚於雨湖建臥雲樓纂修文獻通攷百餘卷
學者稱午山先生卒年六十有二祀鄉賢

顧問字子承少卽有志聖賢年十六偶疾父母以爲憂
問曰疾易愈耳政恐以此廢學不至聖賢爲大罪可
懼也嘉靖壬戌成進士除壽昌令昌俗好溺女下令
嚴禁之全活數萬起爲侍御史遷浙江按察僉事疏

食清謹越人呼爲茹荼顧公隆慶中起徐州兵備擢
入閩叅政九疏乞歸講書不倦羅洪先嘗曰子承眞
聖人之徒也年八十一卒 詳通志

顧闕字子良問之弟方六歲類焚祝天爲道德性命之
學以報劬勞弱冠舉於鄉成進士除刑部郎父母卒
與兄問皆廬居墓所服除補禮部郎移南京吏部稽
勲司遷福建副使時年僅三十九決意告歸里居四
十七年一日忽召子孫語曰昨夜夢聯云津吏報增
三尺水山人歸臥幾重雲是歲當大水吾將逝矣已

蘄州志

卷十一

儒林

三

而果然闕治經尤精詩易學者稱爲桂巖先生

詳通志

韓萬鍾字天爵歲貢少貧窶所嗜惟書史持守方正步
趨循軌轍分教休宐擢潁州學正皆以身範物先不
失尺寸於天人之理靡不究竟著有象緯彙編三書
圖解皇極註解四眞集要等書士人尊禮之

李時珍字東壁號瀕湖生時有紫芝產庭白鹿入室幼
敦敏以理學自命年十四補諸生屢試棘闈未售益
刻志讀書十年不出戶闕上自墳典下及子史百家
罔不該洽與顧日巖晤言相證深契濂洛之旨待詔

翟九思師事之生平孝友豁達多陰行善托醫以壽世千里就藥於門立活不取值楚王聞其賢聘爲奉祠掌良醫薦於朝授太醫院判數歲告歸結適所館著本草綱目稿凡三易而成根極理要與爾雅經疏相發明王世貞稱其學行爲北斗以南一人預定死期屬葬父母墓側遺表上頒布其書以子建中貴封文林郎四川蓬溪縣知縣祀鄉賢詳明史

張維號養初萬厯歲貢仕學官居平危冠博帶舉止端方言笑不苟誠懇有古君子風荆定王爲世子時尊禮爲師及嗣封又教懿昭世子州人士以經術顯者多出其門嘗述其遺事爲風勸云

蘄州志

卷十一

儒林

四

國朝

顧天錫字重光博通經史受知於督學董華亭爲諸生有聲改北雍對策及庵寺主司乙之以積分選中牟令辭不就召行徵辟又辭講學於海澱天津歸陳先世遺書蒐探辨究教子景星無間寒暑著有易林說史評顧氏蘄州志石室集詩文藏於家

李炳然字人虎號東臯崇禎丁丑會試副車官吏部司

務出宰江西萬安予告歸杜門著述所言皆窮極理
要以經爲質有江麓堂集傳世其爲人溫文爾雅不
苟言笑沈潛疏義老而彌篤州人士以古學相勗皆
經其指授云年九十餘卒

盧絃字元度號澹崖順治己丑進士授新泰令陞桂林
府同知歷任蘇松督儲叅議多惠政雖簿書旁午未
嘗廢學州志出其手爲錢某所激賞比之申叔左史
晚居鳳山與諸名宿以道相尙窮究源流所詣益醇
著有古今樂府四照堂詩文集傳世

詳通志

蘄州志

卷之十一

儒林

五

顧景星

傳見隱逸
以上舊志

陳詩字觀民號愚谷乾隆甲午解元戊戌進士授工部
主事以母老告終養歸田後終制聘主江漢書院出
其門者多楚中名士聲譽遂震一時雖王公大人莫
不動問道光壬午自江漢歸隱蘄州之草堂至老猶
以著述爲業年七十九卒臨卒之夕舌端吐香氣大
星落於湖之東南士類咸悲慕之生平於經史子集
各有著作書目俱詳著述志子守仕廩生

新增

文苑

自二林之名滿天下，蘄於是。以文傳也。林氏深於經，例入儒林。其他饒著述，名擅百家者，皆以文槩之。仍叙次其行事與夫立言之所由，然庶幾於不朽之義，有當焉耳。志文苑。

宋

夏倪字均父，蘄州人。自曹府左官，祈陽監酒。文詞富贍，儕輩莫及。赴江守日，張彥實有贈行詩，未覺朝廷疎汲黯。極知州郡要文翁，均父朝夕諷誦之。其服官之勤可知也。詩文一卷，呂紫陽為之序。江西詩社宗派圖錄 詳通志

蘄州志

卷之十一

文苑

六

藝文

林敏中字子敬，註蘇詩。見東坡集註

吳億字大年，蘄春人。父擇仁為尚書億，仕至靜江。倅居餘干，有溪園佳勝，世傳其樓雪初消，詞為建康帥晁謙作。書錄題解 詳通志藝文

明

郭承恩號惺寰，始祖為蘄令。遂籍蘄，至七世生承恩，性沉靜，無所嗜，務精經史及先天理數之學。由歲貢任武昌府學訓導，陞四川崇慶州學正。州前從未有科

自承恩賑其貧困捐俸改泮水尤精雋氏易林筮之
得賁詞束帛芟芟賁于邱園承恩曰是科士葉之楨
應其兆焉後果驗嗣是奮興不絕州守楊伯高奇其
事以上聞兩臺疏題除四川漢州什邡知縣冰蘖自
矢寬猛惟時什邡以治暇與諸生肄業鄰封皆負笈
至歲旱自暴以雩果致霖應予告歸講學不輟年八
十九無疾而卒

甘瑩字德輝別號玉牕子中成化戊子鄉試丁未授福
建福甯州知州視篆未浹旬而卒平生涉獵經史百

新州志

卷之十一

文苑

七

氏工詩章樂府喜松雪子畫尤尙氣節操履不苟所
著有漫興諸稿藏於家

華巒字伯瞻布政仲賢子也蚤負雋才弱冠發解成化
丁未進士選翰林庶吉士性資凝重文詞清麗銓注
本院編修爲太史陸鼎彝器重有問及館下史材者
必以巒對尋卒庶吉士鄒智詩哭之有曰空聞仙珮
遠不見相星臨李文正公志墓曰吾黨得之吾曹得
之而遽失之噫天誰詰之蓋哀其未大用也著有日
新稿失傳

王儼字望之戶部郎中翰之子中正德五年鄉魁選入
中書中府都事南京大理寺評事寺正廣西思恩府
知府致仕雅能文章同郝守正著蘄志十二卷有詩
文八卷

郝守正字中夫嘉靖二年進士南皮縣知縣行取揚州
府同知南京兵部職方司員外工部虞衡司郎中溫
州府知府調懷慶府致仕嘉靖三十一年同王儼修
蘄州志一時碑版之文多出其手

陳吉言字夏卿大中子嘉靖乙酉鄉試第一有文名同

蘄州志

卷之十一

文苑

八

王儼修蘄志

朱翊紙字孟嘗號震岳荆藩樊山郡王少穎異目十行
下博學工詩文不喜富貴慕淮南八公之徒折節名
士一時士大夫皆與遊年七十薨著廣讌堂集八十
卷震岳詩話二十卷行世

朱翊鏊字仲良荆藩樊山王仲子博學能文尤工書翰
與兄震岳相倡和海內傳誦之爲楚藩宗正歸第教
三子皆爲名諸生於宗室中最稱賢者

陳仁近字元復號孟角天性孝友兄仁民任新喻主簿

患足疾近上書當事懇至得以疾解任博學好古寒暑一燈不輟中嘉靖庚子科鄉試授眉州知州著書鄉小步數十卷春秋一是一粒粟應叩鳴諸集副使顧問評其書曰大雅之音鬱乎沉沉難偕俗心

顧闈字子敬號鳳巖副榜第一孝友方剛文義煥發馮夢禎蕭良有皆師事之充貢自負才名不詣部後墮馬折踝擗其僕僕假事訟之有司恚憤卒年四十一著有栖鳳堂集十六卷顧氏家傳 詳通志藝文

周祈字子永號敬夫禔之兄嘉靖壬子舉人歷官廣西

新州志

卷之十一

文苑

九

平樂府知府贈中憲大夫著有名義考十二卷條目

浩博陳元龍格致鏡原一百卷內引見四十餘條

志

詳通志藝文

田乃穉字茂卿萬曆己未科進士考選推官未仕卒風負才名饒著述未究其用士林惜之

田雨公字田叔萬曆乙丑科進士未仕卒有無齋文稿行世

朱常號鑑虛荆藩德安郡王通文史善繪事尤以松與梅擅長繪有全譜每幅各有標識詩極新雅間靜深

居自文墨外他無所與蓋宗室之賢也

傳作相號舉巖萬厯丁酉恩選天性端嚴學問淵博出其門下者皆知名士初任安居令陞州守宦成歸里閒居家庭雍穆有古人風子五人皆有文行長若龍嗣職衛輝使孫十餘人多列膠庠者以壽終於家

顧大訓字德蒙年十八補諸生食廩餼折節讀書藏書五萬餘卷手錄千餘卷書法精嚴無一字誤以貢授南昌府通判著有續高士傳八卷資孝事實廣訓十五卷

顧氏家傳

詳通志藝文

蕪州志

卷之十一

文苑

十

袁素亮字公寥世振子歲貢生負才磊砢不羈詩古文詞援筆數千言錢某譚友夏多所唱和晚與艾千子陳大士結天下文社值寇亂不屈死詩文多散佚

王臣縉字大紳一字縉雲號意菴中崇正丙子鄉試庚辰成進士令錢塘忤大吏罷官甲申欲起義擊賊未果順治初走海外魯王授分巡副使兵敗赦還爲僧居姑熟間著有麟經稿行世書法尤精

白茅堂集序

顧初字太初諸生與蕪水朱期晉黃岡王一鳴黃梅瞿甲麻城黃建中廣濟陳以聞里中姜夔稱六子卒年

三十一 著有太初集十卷

顧氏家傳

詳通志藝文

國朝

汪蘅字蘭友號仇懷順治己丑進士知福建南平縣政
出簡靜尤加意士類公餘課業多成就旋移疾歸詩
酒自豪與東臯澹巖各以文章氣誼為一時表率策
集定中風雜數十卷藏於家

陳之京字觀伯歲貢生學殖淹博與同郡李嵩岑盧澹
巖結詩文社盧李籍通顯之京累試不售遂卜築山
中盡刻書為詩文著有叢桂堂集○取失

新州志

卷之十一

文苑

十一

張正志字爾思幼穎慧讀書數行下諸史百家莫不備
究為文以歐曾為法與顧景星李炳然相友善時相
攻證由順治壬辰進士任河南衛輝府推官遇疑獄
剖決無遺一郡稱治以直見忤謫州判遂致仕家居
惟文藝自娛而已

張士淑字耳聖號遠菴歲貢生初司鐸黃梅縣梅值兵
燹後廟學蕪存淑極力經營規模立就當事知有經
濟才命攝縣事多善政以終養歸屏棄人事悉意為
詩古文後例補縣令辭不赴著有奏自草題在堂近

藝雲溪雜著

張相字公卜州諸生幼飼儻不羈稍長爲文下筆千言立就立文社與叔泮黃岡汪子維龔孚先輩相倡和著有清遠堂文集戊巳之亂土寇猖獗相結義旅力保障於策山之陽鄉人賴之

欽士佃字文思康熙癸酉鄉試第一庚戌成進士官翰林士佃生時父方爲北城兵馬副指揮年十二孤家貧力弱汲瓶拾薪養母以孝聞性恬淡臨事不苟磊落無城府遇人機辨寂如也工詩歌古文疎爽幽雋

新州志

卷之十一

文苑

三

掌院韓葵極推重之謂其爲尹師魯梅聖俞之亞有瀛洲集行世

顧昌字文饒號培山康熙癸酉舉人美儀表風神雋逸孝友和平善作古體文工詩賦以父景星著作甚富因徧謁諸名公交好卒得荔軒曹寅編輯白茅堂詩文集行世昌亦以勞瘁未仕卒著有耳提錄西軒唱和詩栗蔭軒詩文錦樹堂填詞江山筆助時藝子諸生三經仕綬湛露等以次梓行

李生槃字谷友號兩峯兵備樹初曾孫生甫三月失怙

節母諸氏撫而教之通經史百家言爲州學生有聲
雍正五年以孝廉舉後應聘修湖廣通志多所攷正
總裁時與質疑辨論輒稱賞貌魁梧飲酒賦詩率常
屈其座人年五十三卒著有雨湖吟社合集二卷楚
江吟二卷兩峯詩文集各六卷尙書義疏四卷

郭從字層崖一字蒼屏承恩孫諸生讀書過目成誦性
嗜酒豪爽不羈喜讀秦漢書工書畫尤精古篆中鋒
遲晚今流在人間私諱小印如韓山片石不可多得
所作詩見雨湖吟社合集原名從改從故號去山云

陳其勅字五惇歲貢生博涉羣書詩古文詞援筆立就
州太史欽士佃極推重之著有雲峯溪堂集

陳謨字友夏號素菴歲貢生天姿穎異嗜學好古教授
生徒成材甚眾著有四書辨論尙書講義同堂集待
郢渠河干集茆堂偶草雜著有唾餘集醫門集要二
十五卷弟正誼誥俱舉人皆所造就另有傳

晏昇字東白憲副攄忠長子歲貢生學博才高名動一
時兵憲王公呂公雅重之立爲雲門社長時盧大叅
澹巖在南儲修蘄志顧黃公與焉數致書訪遺事名

宦科目事實多出昇手年九十補穀城訓導辭不就
李春期字子疇號宅玉父熒然明末諸生遭難春期師
事伯父炳然下帷攻苦以倡明學術爲己任年三十
卽屏棄世事琢石圃於麟阜經史百家務探本原著
有石圃澄源錄二百二十卷彙纂通鑑五十五卷年
八十一卒

孫民則字庶法中康熙辛卯鄉試乾隆己酉爲陝西同
考官稱得士庚戌成進士候補河南蕭然旅邸猶把
卷作吟嘯聲授武安知縣尋卒

新州志

卷之十一

文苑

十四

劉遐祚字青子號菊潭康熙癸卯舉人授鄖西教諭以
外艱歸補興國州學正諸生有盧姓爲仇家誣陷遐
祚白其寃得脫盧酬以金拒不受陞常德教授辛酉
爲貴州同考官所得皆知名士後補銅鼓衛教授所
歷皆以品行文章相砥礪著有扇和堂等集于崙峒
崑嶠俱諸生孫萬寧舉人石首教諭另傳詳通志
以上舊志
李易生號連山生有夙慧經史百家過目成誦所作詩
古文詞力追先正設帳鄉里多所成就卒以明經老
著有連山全集藏於家詳通志

陳於座字旬宣優廩生自幼博覽羣書兼好吟咏著有
候鳴草葺園時藝行世歲試時九學一同舉優學憲
極加獎賞常出穀數百石賑漕河火災咸賴以濟捐
易家河義渡田七斗五升建家塾一座乾隆丙寅督
修郡城隍渠及麟山書院己巳分修黃州府志乙亥
分修蘄州志捐金五百士林重之

張彥字士羣少負雋才試輒高等乾隆丙辰舉人爲太
史陳秋崖孫虛船所器重數上公車不第以縣令待
推銓部主講麟山書院一時知名士多出門下云

張兆講字星五號易居乾隆癸酉舉人少英敏讀書目
下數行制藝自成一家言萬南泉太史以繼武熊劉
目之性豪爽酒趣詩情傾倒一時一上公車房薦未
售年三十八卒著有古今姓韻畧編小殘文集待刊
陳守約號龍崖乾隆庚辰舉人幼穎異爲文援筆立就
著有四書要義待刊與麻城梁景陽黃陂蕭廣運州
人胡薰詩文往來乾隆二十年同錢虞山程拳時纂

修州志

駱沛霖字宗雲幼失怙好讀書長與兄才同門勵志凡

大小試皆列前茅陳虞部謂獨出冠時宜其有以異於恒人也中乾隆乙酉經魁已而不第授武昌府學官游其門者甚衆江夏容景春與國陳治策皆出其門秩滿截取知縣未仕卒著有易經纂說務敏齋制藝等書子千翥州增生曾孫敏修丁未進士禮部儀制司主事

張榕字一株號石村中乾隆己亥經魁授枝江訓導復遷隨州學正生平言笑不苟行坐無欹側嚴絕非道非義之事人不敢干以私設帳鄉里足不履城市官

江宏獎後進課士有法每送府院試餽館舍務濶俾多士得就講貫去枝江時人咸泣送依依不舍及任隨州十載亦如在枝江時卒於官著有四書辨證梓行

劉之棠號憩亭十歲能屬文肆志力學涉獵羣書爲文閱博淵雅領乾隆庚子鄉薦甲辰成進士課讀子姪登桂籍而列膠庠者甚夥著有崇實又館詩集憩亭文稿藏於家卒年四十七

詳通志

胡薰字與誠號蘭亭幼穎異乾隆戊子舉人州牧胡學

山以孝廉方正舉薦辭不赴耽志經籍授徒於中林
書屋通經者數十人卒年六十有二陳虞部爲銘志
其墓著有四書輯說三十九卷鄉黨義考七卷周易
晰言十卷尚書集義五十九卷詩經詳詁二十九卷
犧牲饋食禮集訓一卷禮記纂錄四十九卷春秋通
解二十卷

朱德輝號玉山幼聰穎試輒冠軍讀書寢食與俱得閒
輒手抄盈箱篋帙繁未能驟梓所作詩古文詞頗似
義山獼祭秉鐸江夏時學憲鮑覺生極推重之子昌

蕪州志

卷之十一

文苑

七

筦邑諸生

李昂號坤裳其家藏書頗富昂銳意經史能得所折衷
旁搜百家及古今詩賦皆手纂成集所作古文時藝
卓然大家著有四書通義質疑典故疑等書待梓中嘉
慶辛酉鄉試未踰月而卒州人士惜之

張文玘號遠池家貧篤學經史靡不窮詰年六十始由
歲貢生中甲子解元主司王引之賈允升閱其文同
聲推爲名宿著有遠池集

葉彪號嘯林嘉慶戊辰舉人幼穎悟力學博洽經史精

據詩文六上公車五膺房薦丁丑闈中擬中數日旋
又見抑房師李本榆惜之截取潛江教諭未到任卒
子姓廩生豐諸生

忠節

宋史秦鉅傳載同時死事者可謂烈矣自江士旺下
疑皆斬人然已不可攷謹撮其可攷者著於篇志忠
節

元

李宗可有勇魯善禦余闕以兄之女妻之以州判權義

志

卷之十一

忠節

六

兵萬戶統新軍守水砦前後多戰功陳友諒攻安慶
城破宗可橫槊入賊中擊殺甚多聞闕死馳還或勸
之降怒曰元帥平日遇我厚何可背之乃驅其家屬
盡殺之據胡牀縱飲至醉因自刎

明

陳相中所百戶正德九年自廣西調雷州輕便勇敢隨
軍調守陽春鳳凰寨時陽春山賊猖獗乘夜來攻相
督兵拒之兵潰散挺身力戰殺數賊竟為賊所殺

志

廣東

陳顯元字長卿由副榜授新安令惡衣糲食徒步諮疾
苦以城堞傾頽不利禦寇率士民入保闕門寨闖賊
檄降立碎其檄及來犯死守月餘力竭而陷見賊怒
罵賊大殺寨中人顯元叱曰守寨者我也百姓何辜
宥殺我賊怒遂支解死

明史附
劉禮傳

乾隆四十一年

賜諡忠烈

按錢志載公外甥浦某以櫬歸葬今墓在東山寺新
安人并立祠祀之

志畧

張效方字正甫官荆門州學正崇正中李賊寇州效方
盟諸生以佐城守城陷不屈死之

明史附盧
學古傳

新州志

卷之十一

忠節

九

李新字卽巖萬曆中舉人令潛山歷戶部主事權臨清
鈔關舊有舟車二稅奏免車稅以便商授陝西僉事
以親老乞養歸獻賊屠斬合家被執脇之跪罵曰賊
爾非秦人乎我執節入秦時爾廝養卒耳豈為爾屈
死則死跪不能也賊大怒新抱父屍就刃祀鄉賢

附許文
岐傳

乾隆四十一年

賜諡忠烈

張邦翼字君鵬號軫南萬曆戊戌進士選書文各授浙
江臨海知縣以廉能稱進由戶部選授廣東

督學最得士刻有嶺南文獻錄並漢魏叢書行海內
移浙江驛傳請免里解累民者三衢志備載其文監
軍四川平安世咱諸蠻遷廣東廉訪使轉江西右布
政惟貯正供規額俱捐以毫乞歸蕭然澹靜癸未春
獻賊襲斬不屈死年七十有三祀鄉賢子效葵中天
啟甲子鄉試孫承位中順治丁酉鄉試舊通志乾隆四
十一年

賜諡節愍

一化號南鯤幼嗜學以明經補仁化令釐剔積蠹禁

卷之十一

忠節

三

止囂風鄰民有冤當事不能決以委之立為剖釋改
任印江縣興學課士人文頓起其地逼近苗穴捐俸
高固城垣以賞守圉致政之日囊橐蕭然閉戶著述
刻有錦石巖不窺園諸集篤親厚故排難解紛天性
然也癸未城破不屈死從祀鄉賢子良宣順治丙戌
舉人任武昌教諭乾隆四十一年

賜諡節愍

李樾字長甫號赤存天啟壬戌進士初任博野令申堡
制嚴保甲以待賊盜調真定時魏瑞莊佃為民害徑

繩以法盜殺童子於寺以疑東鄰樾趨赴寺見寺聯
有望月字心驚曰二字似僧名此必奸僧外來密授
捕者至一橋有僧戴笠危坐捕近前呼望月在此耶
僧驚起隨得其袖中短刀血濺內衣以此服罪又童
無故斃於家疑鄰媪樾視之曰此必中毒物果中苦
杏毒以杏根搗水灌之而鄰人獄解武庫散餉例有
羨銀冒餉樣馬及樾爲主事悉裁之長城之築更役
無甯日樾軫念全活者衆擢直隸遵化兵備道丙子
兵馬雲集遵化糧頓絕難民僵臥滿道官兵竊殺以

冒功樾給錢煎粥又給印票嚴妄殺之罪活五千餘
人癸未春獻逆襲斬樾條陳守禦二十四款時衆議
紛紜城遂破賊執不屈死祀鄉賢子本裕本蕃本仁
本晟本甲以學行知名本晟順治己丑科進士另有
傳乾隆四十一年

賜諡節愍

李樹初字客天萬厯己未進士任戶部主事晉郎中督
宣大餉轉陽和知府時太監王坤節制宣大巡按道
員俱行角門進見初稱疾不出將中傷之適璫敗得

免後以山西副使致政家居扁舟湖上自課詩文有
穎餘情緒數十卷會流冠猖獗罄家資築槃石符乾
二磯斬人賴之癸未城破與子孫訣曰我在籍自當
盡節爾輩讀聖賢書死生有命不可屈於賊賊執之
不屈死繼妻封氏長子延慶貢生孫之蘋之藻廩生
等從死祀鄉賢乾隆四十一年

賜諡節愍

盧如鼎字呂侯州廩生潛心好學性篤孝友寡言笑愉
恂若處子不與戶外事屢試不遇教姪若子務遵古

新州志

卷之十一

忠節

三

訓學者無遠近多遊其門癸未之難如鼎以先人故
廬不可輕棄率家人暨里中少年爲堅守計後賊從
他道襲遂及於難一家從戮者百口後以子絃貴贈
中大夫祀鄉賢乾隆四十一年

予祀忠義祠

饒京號黃山天啟壬戌進士少事遠遊於世務多練達
初任宜興知縣調常熟縣行取御史巡歷蘇松諸郡
再巡淮揚諸郡甚著風裁時有大奸蟠固不可動京
悉誅之遠近肅然癸未獻賊陷城殉難祀鄉賢乾隆

四十一年

賜諡節愍

田有龍三科武舉解元廣東永甯守備死安首之難子足國蔭襲蘄州衛百戶

岳璧蘄州衛指揮使字連城叅將岳鎮華之姪癸未獻逆襲城擄之自屋墜地未死賊知其為官問之璧不應問衣服不應問弓箭馬騎終不應數賊擁至城上脇降璧怒云我與國同休者豈降汝賊怒刺之臥地氣將絕揚目視賊曰我為鬼亦能刺汝時大雪血流

蘄州志

卷之十一

忠節

三

赤丈餘目皆不合人皆哀之詳明史郭以重傳乾隆四十一年

予祀忠義祠

田金浦字麗水夙負幹畧萬厯間黃梅寇劉少溪等倡亂剽掠及蘄浦聚義捍衛鄉井乘虛襲破之州牧徐希明以事聞擢浦守營防禦本境與州判陳策戮力赴勦賊蹙遁汝穎江黃間恃險為固浦選精騎驟入斬首數十賊眾奔潰度已殲渠魁力疲解甲憇修竹間賊忽大至浦與策奮臂殺賊力不支遂死之贈總

戎建烈士廟子宗演冒鋒負父屍以歸族里並嘉其孝

李化龍字如雲蘄諸生素有文譽癸未獻賊破蘄以不屈死其子位以狀聞祀鄉賢乾隆四十一年

予祀忠義祠

孫仍字雲孫蘄諸生家世積學癸未獻逆之難抗節而死蘄人士義之督學部公列狀以請允與李化龍並祀鄉賢乾隆四十一年

予祀忠義祠

蘄州志

卷之十一

忠節

十四

蕭霽字東曙之楨之子震之從弟幼負異才博極羣書工詩文年七齡州府道試第一次年歲試亦第一食廩餼時稱神童癸未獻賊破蘄時年二十四賊見其聰穎過人欲留以爲佐東曙曰我家世受國恩豈仕汝耶宥殺我賊怒而轢割之當時與顧黃公齊名著有詩文集十卷編類書名道器括囊一千六百卷皆不傳

陳正字剛中號宛丘父吾尙有學行正自幼穎異爲文雄奇英邁巡按宋公觀風拔其卷冠九屬與同郡張

子都以文名於時兵憲陳公應元甚器重之刻有張
陳二子稿癸未獻賊陷城屈正從之正罵不絕口觸
石而死其子亦被擄後潛遁負骸歸葬聞者義之
李于節字子高諸生著品行於鄉以子新令潛山封文
林郎新官至陝西僉事于節惓惓以忠君愛民屬其
子新侍歸養癸未賊陷全家被執于節恐子有顧慮
父母意爭先罵賊引頸受刃死新抱父屍罵不絕口
賊戀之于節妻楊氏子綺新子承裘承弓俱岸生回
死

顧天祚字悠也州學生性耿介節誼爲時所推教授里
中每出館穀以周饑寒流寇陷斬天祚不屈觸石而
死著有後松園人物博觀等集以子咸泰貴贈文林
郎

操桂字丹精沉毅有勇畧洪武四年隨柳良正征取所
向有功授忠信校尉蒞任金州赴遼陽調正遼都衛
十六年偵達侵境桂將領本衛馬軍克敵獲其輜重
乘勝追奔深入邊地會敵救至轉戰陣亡義獷啣首
瘞沙場馳歸嚙健兒衣隨往出其首如生函歸續葬

欽差侍御趙傑致祭贈宣武將軍蔭其家襲衛職及崇禎甲申操承勳殉難都中廢止

按桂死難在明初以舊志未載故次於後 以上舊志

張效鍾字期伯以廩貢入太學有聲工書尤善音律與

同里李新相唱和清壯多風癸未獻賊陷斬執鍾令

跪鍾曰吾家世忠良豈屈賊耶罵不絕口賊梃殺子

庠生承馮同死時人義之 節錄自茅堂集傳

黃正中字君位州諸生崇正壬午秋獻逆寇黃將及斬

其子錦以徙避江南泣請於正正笑而斥之及冬杪

新州志

卷之十一

忠節

三

錦復請不納如前至癸未獻逆屠斬正從容盡節畧無難色

入祀昭忠祠名目列後 據通志補入

夏德明 兵 進 范 有 蕭 全 楊 發

李有升 王 啟 華得榮 王光元 張萬春

胡占元 鄭漢雲 袁永茂 羅聖懷 柳先富 寄籍竹山

黃見高 周老六 唐先成 葉正烈 黃坤烈 寄籍竹谿

葉正其 張勝萬 甘學舉 田禮文 李世進

國朝

吳尙賢字克諧號立齋乾隆癸卯科武舉任襄陽水師營千總署襄陽都閩府嘉慶元年正月隨總兵曾攀龍於宜昌府鳳皇山奮攻教匪總兵遇害尙賢奮力死戰亦遇害事聞 上嘉其勇

論入昭忠祠 勅累代世襲雲騎尉子德桂世襲督標雲騎尉德煌賜外委孫必海世襲督標雲騎尉實授安陸府營千總調署樊城都閩府現署襄陽營守備新增

武勳

志政蹟復志武勳者何康蘄國之渡江柳吉安之勇

蘄州志

卷之十一

武勳

三

往削平寇難境內晏如視夫從容民社而宦業成者抑又難焉故別爲一目使觀者以類求云志武勳

明

康茂才字壽卿州人元末進士寇陷蘄州茂才結義旅捍禦有茫茫江滸皆魚鱉何處堪容魯仲連之語尋從明太祖渡江太祖欲速陳友諒來寇以分其力密諭茂才誘致之友諒敗走嗣後破蘄黃戰鄱陽湖圍武昌收湖南伐吳逼蘇州從征齊魯關隴節制太原再征漢中所在有功軍中疾卒贈蘄國公諡武義明詳

史本
傳

康鐸字伯聲茂才長子襲封蘄春侯少有父風年十歲侍太子讀書大本堂太祖灑宸翰賜之曰謹承祖業愛爾勤功詔往墾鳳陽荒田年十八統兵征辰州峒獠遂平松壘諸州後從征南將軍傅友德征雲南克普定破華楚山諸砦明年卒年二十三贈宣力武臣蘄國公諡忠愍子淵授祿未襲封

柳良正州崇居鄉人洪武初以武功封吉安侯嘗於打鼓臺墩集蘄州三戶軍戶其墓尙存

蘄州志

卷之十一

武勳

三六

陳福清從高帝征偽漢陳友諒戰於鄱陽湖矢及御舟福清倉卒負帝過舟帝取一珠耳璫賜之福清以箭貫左耳懸璫帝曰眞壯士也封千戶後叙功臣福清不與焉

李楷字端甫同春之子貌如冠玉風流英武萬厯間襲千戶職授靖州守備隨大將軍劉挺征苗播攀藤越山關天塹建立奇功加世襲指揮陞浙江叅將會海賊入犯設奇大破之擢吳淞副總官至貴州總兵歸里居喪廬墓孝友同居人皆賢之祀鄉賢

李棟字到隆同春次子少爲郡名諸生負雋才兄楷無嗣承兄蔭陞武岡州守備廣西永寧州遊擊再陞四川松藩叅將盡瘁王事卒於官生五子皆庠生癸未城陷相率死難惟四子本綿存尋卒

王啟指揮使勝之子勝亡於陣啟年十五襲父職調充先鋒官從征雲南苗通道造橋應接大軍擒其渠魁又生擒七十餘酋斬獲四十一級拔城寨七十二晉封明威將軍以壽終葬雨湖

陳圖功字朋燕中萬曆乙卯武舉後流賊猖獗圖功獻

策軍門復請歸立羊角砦以衛鄉里兵憲范爲請職遊擊所在有功著有行路難柳絮吟等篇以上舊志

李光樞字友夏有勇力善騎射崇正甲戌河南賊入蘄黃樞逃在外僅十二歲丁丑春江北賊竄入大山中左師入山搜捕徑投營中深見推許以將士從征視賊所向隨方勦撫已而至成都雜還於孔昌王部曲中王視師下玉營爲盧將軍所猜阻旋以射蠟三枝膺首選充官軍前鋒印後累以兵遷總兵官鎮銅廠三年予告回籍時同邑雲南布政李暘若雅相契重

遂留任二年及歸絕意進取托酒怡情督課諸子
十三終 李氏新稿

國朝

李世忠字厚菴有膂力諳方畧康熙十八年吳逆亂世
忠自備鞍馬從黃州王協鎮出征有功授千總復從
征紅苗殺賊於六箐口殲滅幾盡生擒十餘人疏請
授都司僉書管江西南昌銅鼓營守備事封武宣將
軍

楊天貞字自強崇正丙子武舉順治甲午副舉少讀書

新州志

卷之十一

武勳

三

通孫吳韜畧對策皆能指陳有膂力技藝絕等倫康
熙初搜求材勇貞上書台司請纓自効以功授守備
葉植字容伯號天培順治戊子武舉初授燕山右衛千
總以征西山有功陞山東靖海衛守備前官張某以
丁糧挂誤追賠力不能償植代賠數百金張得還鄉
陞臨清都司尋卒 以上舊志

陳臨號莊齋由蘄州營行伍從征金川屢戰有功擢蒲
圻千總嘉慶戊午教匪餘黨擾崇蒲二邑臨隨營悉
殲之陞守備

吳大章千總嘉慶初值陝西白蓮教起應有司募糾鄉
勇保護一方守城有功授外委後奮力前驅諸督憲
賚摺

上聞凱旋授延安府營守府兼護本營叅將事年七十五
卒於官

易光殿由武庠生入蘄州營行伍擢黃州協城守乾隆
乙卯從征湖廣川陝等處屢立戰功擢四川大壩營
都司陞峩邊營遊擊年七十致仕以上新增